

## 醫略十二篇序

醫略十三篇。乃京口蔣君寶素手著。京口於吾吳爲同里。是亦延陵一大郡會也。予自歷官臺省。垂四十年。於里閭奇材異能之士。鮮所知名者。向聞王九峯蔣椿田工岐黃術。名噪一時。寶素則椿田之哲嗣。而九峯之高足弟子也。近亦有聲大江南北。生平好讀三墳。銳志於扁盧之學。其造詣之淺深高下。雖知之未悉。然能述父師之訓。折衷於三折肱諸家之說。本經義以立言。而著爲是編。則其用力於靈樞玉板之書。概可見矣。昔范文正有言。不爲良相。當爲良醫。寶素則謂爲醫等。於爲相。以爲方家之刀圭量劑。可通於宰輔之鼎鼐和調。會予方忝任保衡。乃因其同邑及門李雨人殿撰請序於予。將以徵信於時。書不云乎。若藥弗瞑眩。厥疾弗瘳。史有之。良藥苦口。利於病。忠言逆耳。利於行。然則寶素所爲。比例於良相良醫之論。理或然與。雖然。予滋愧矣。爰書以質之寶素。弁諸簡端。吳縣潘世恩撰。

## 醫略序

陰陽風雨晦明。天之六氣也。陰淫寒疾。陽淫熱疾。風淫末疾。雨淫腹疾。晦淫惑疾。明淫心疾。是六氣者。乃人生致疾之原也。蓋人生不能無病。治病必先賴乎醫。是醫也者。病人生死之所寄也。顧不重乎。治病者必先求之於形與神。然後求之於藏府。能求之于形神藏府。卽有危險之症。亦莫不

瞭如指掌。而得心應手矣。無如今之時醫。於人有疾。不論其輕重虛實。概目之曰感冒風寒。飲食停蓄。不知傷寒者則惡寒。傷食者則惡食。果傷乎食。在病者自不欲食。今並能食者而亦禁之。將正氣漸虧。百病從茲而入。甚可危也。抑知人之所恃者正氣耳。使正氣充足。則百病無由而入。如正氣不足。則難言之矣。豈止於一感冒風寒。飲食停蓄不能霍然而愈已耶。以是推之。則人之正氣不能不固也明矣。卽如書中所言人之各病之事甚夥。內有論伏邪一篇。誠可謂剴切詳明。無微不至。深得夫醫理。足爲後世之楷模也。彼世醫其能辨之耶。縱能辨之。亦僅辨夫外感之初症。而難辨夫內伏之危症也。予素不習醫。於凡醫家之言。無不細爲留意。顧方書雖多。而其議論百出不窮。悉未能細考其實。難免無誤。今因柳君賓叔見示京口蔣君寶素手著醫略一書。蔣君京口人也。於吾爲同里。是亦延陵一大郡會也。其言人之致疾之原。無不深求其故。已非世之爲醫者所能及。及其萬一。而尤詳者。則莫過於醫略中之關格考人迎辨兩篇。此可謂濟世之書也。可謂傳世之書也。卽使扁鵲倉公復生。亦無出乎其右矣。爰泚筆以書之。是爲序。時

道光二十八年二月揚州阮元撰

### 醫略序

語云。醫之爲言意也。夫人而知之矣。然世之業俞雷者。所在而有。其庸庸

者無論矣。卽專門名家。或拘於偏見。或泥於古方。可以偶一弋獲而未可以百發百中。誠欲得醫之意。必萬全而無害者。不數數觀。予自宣撫粵西。以四時皆夏。一雨成秋之風土。時嬰小疾。未暇延醫。間嘗就驗方以意爲之。無不應手立瘥。一日與李雨人學使相過。談次及之。雨人爲言其錦鄉丹徒有蔣君寶素其人者。幼以貧而失學。比長乃究心經籍。銳志學醫。承其父椿田老人家傳。且得名醫師王九峯氏祕授。未幾而聲譽驟起。所至之處。其病若失。因示其所著醫略一書。讀之於表裏陰陽虛實之辨。與夫心肝脾肺腎之源。直可按圖而索驥。蓋其書原本經術。參考諸家而撮其要旨。病雖萬變。理必一歸。察脈既真。斯投劑不妄。其目僅十有三篇。而方術家之能事畢矣。奚必博稱遠引。侈陳夫青囊金匱爲哉。用爲述其大略如此。中州周之琦序。

## 序

今之所謂學問者。吾知之矣。日手一編。呶唔不輟。閱時稍久。則援筆學爲文詞。雅鄭不分。朱紫變色。遇有好之者。從而稱道之。則名大噪。號召生徒。推演流派。甚則取青紫持風氣文章經濟。彪炳一時。然而其中之爲是爲非。爲真爲僞。吾烏乎辨之哉。今欲持一民一物以驗其讀書之是否有用。蓋莫醫若矣。醫學始於神農黃帝。其書在未有六經之前。六經所以經世。而未始不與醫理相發明者。人身一小天地。經脈貫注。肌髓淪浹。其理日

流行於兩間。道之與藝。未嘗有二。均非淺學之士所能道。然而儒術猶有幸中之時。是非可否。無所憑以發其覆。惟醫則按脈切理。投劑立效。輕則爲離合。重則爲死生。士大夫不能博施濟衆。其可以隨分自盡。以展其有用之學者。儒固不知醫也。吾友蔣子寶素。年甫志學。卽學醫務。精其業。多讀書以養其原。其診脈也。洞見癥結。言足以顯其情。沉疴痼疾。應手若失。余不知醫理。但觀其效。以爲邑有蔣子。一邑之厚幸也。比又見所著醫略。原本家學。闡發師傳。證以六經。參以各說。食古而化。因時制宜。然後知其用心之摯。非儒者剽竊所可同。出而問世。是非真僞。必有能辨之者。是書既傳。庶乎醫學之不墜。而人皆有生理矣。蔣子體羸瘠。若不任事。而風度颯爽。神明殊勝。知其有異人者。比年患怔忡。蓋思慮過甚所致。余深願其慎自珍重。益廣其業。令天下得見全書。雖不能爭相延請。而緣其立說。以爲準則。由是伸臂起廢。各爲全人。是則蔣子所加惠者。固不獨一邑之人已也。

道光辛丑歲抄同里愚弟李承霖序

### 醫略十二篇序

予素不知醫。亦不信醫。非固也。誠以醫之爲道。貴能觀虛實。辨陰陽。其理甚微。其效甚捷。譬諸水然。水可以載舟。亦可以覆舟。醫可以活人。亦可以戕人。然水猶載舟之力居多。而醫則戕人之勢常勝。故不敢知而亦未嘗

輕信也。丹徒蔣君寶素幼極貧。年十四始識字。述乃翁椿田老人家學。並從里中良醫王九峯遊。盡得其傳。不數年而聲華藉甚。遠近爭迎者紛至沓來。不啻和緩之往還於秦晉也。於是本之經術。邃於方劑。自素問紫書。旁及仲景東垣諸名家。芟其蕪雜。薈其精英。著醫略十三篇。及門李雨人殿撰。攜之京邸。導其意。問序於予。取而觀之。覺理之微者無弗顯。效之捷者益其神。凡君臣佐使表裏寒熱諸大端。舉其粗略。而他本之詳。都不外是。將吾意所解。而口不能宣者。亦莫不能瞭然在目。術家脫皆由是引而伸之。觸類而長之。庶乎其易知易能。而亦可以深信無疑也夫。是爲序。成都卓秉恬撰。

## 醫略序意

天覆地載。萬物悉備。莫貴於人。人所生者神也。所託者形也。疾病所傷者。形與神也。形與神俱則生。形與神離則死。死者不可復生。離者不可復反。故聖人重之。神農著本草。黃帝著內經。上揆之天。下驗之地。中審之人。世異時移。因機動變。使各得其所。不致夭殃。然非明哲。孰能究其文。通其意。以應萬病。幾千年來。得其要領者。越人設問難。仲景述傷寒而已。甚矣哉。天下疾病。若彼其蕃。變也。明哲如此。其難得也。以天下疾病之蕃。變而求不世出之明哲。此慎疾者之所共憂也。即使明哲生於當時。無能親身戶治天下之病。即使身親其役。又烏能使天下之人盡知明哲之爲明哲也。

嗟乎古今之遠。歲月之長。海宇之廣。疾病之多。俗情之謬。藥石無知。生死難明。藏府不能言。扁鵲仲景不可復生也。素甚懼焉。迺因家君醫話業師醫案。著醫略八十一卷。先刻六淫門十三卷以問世。幸天下明哲。惠而教我。時

道光二十一年庚子冬至日鎮江蔣寶素自序於快志堂

醫略十二篇目錄

卷一真中風

風乃六淫之首。人爲保蟲之長。風獨中人。木尅土也。風者善行而數變。其在嬰兒小子。變爲驚風。而虧脫之證。多有類似者。作真中風第一。

卷二類中風

病有相類。真僞難分。不別其類。何以反真。惟陰虧火盛。陽虛暴脫諸證。與中風相類。而虛實相反。表裏懸殊。作類中風第二。

卷三傷寒

寒爲殺厲之氣。仲景論之詳矣。然伏邪溫疫。乃冬寒內伏所致。欲知溫熱之原。當究傷寒之義。作傷寒第三。

卷四暑證

暑乃夏令君火炎蒸。濕鬱之熱證。言陰暑者。卽是伏而爲痲瘧。與傷寒伏而爲溫熱之義同。作暑證第四。

卷五濕證

濕歸於土。水流濕之濕。乃水病之濕。非土濕之病。土濕歸於六淫門。作濕證第五。

卷六燥證

燥歸於金。火就燥之燥。乃火證之燥。非金燥之證。金燥歸於六淫門。作燥證第六。

卷七火證

四九

君相二火分明。則百病之火無所逃。其情實。作火證第七。卷八伏邪……………五五

疫厲之作。家傳戶染。老少強弱。病狀相似。甚至闔門而殪。覆族而喪。皆由冬令嚴寒內伏。而後發故也。作伏邪第八。

卷九痲瘧……………七七

瘧因暑伏於中。而後發。與溫熱因寒伏於中。而後發一體。所伏之寒暑雖殊。橫連膜原則一。故瘧與伏邪相近。且有互轉之證。作痲瘧第九。

卷十痢疾……………八七

暑濕薰蒸腸胃。鬱壅化爲膿血。潰流而下。君火致病。同於外感。作痢疾第十。

卷十一霍亂……………九五

大淫之濕。鬱於中土。水穀變化失常。非飲食內傷所致。作霍亂第十一。

卷十二沙蠅……………一〇三

沙蠅之毒。從雲霧上騰。如瘴氣之類。同於大淫。作沙蠅第十二。

卷十三瘴氣……………一〇七

瘴厲之氣。中土本無。然日月所照。霜露所墜。皆吾同類。未可以殊方之疾。而不論治也。作瘴氣第十三。

關格考附刻……………二二八

人迎辨附刻……………一三一



# 醫略十三篇卷第一

鎮江蔣寶素撰 浙江周毅人校

## 真中風第一

椿田醫話曰：第一真黃風湯。主治真中風初感一切形證。可代大小續命等湯。見五絕者不治。口開心絕。手撒脾絕。眼合肝絕。遺尿管絕。聲如鼾呼肺絕。

嫩黃芪 三錢

防風根 八分

雲茯苓 三錢

炙甘草 五分

製半夏 錢半

福橘皮 一錢

當歸身 三錢

赤芍藥 錢半

稀 薺 三錢

長流水煎。入竹瀝三錢。薑汁五分和服。一二劑或三五劑至十劑後。六經形證悉退。裏證未清者。接服第二方。

第二真黃風湯。主治真中風初感。服第一真黃風湯後。六經表證已解。裏證未除。或二便阻隔。或變色。或神志不清。或語言蹇澁。或口目喎斜。或半身不遂。舌苔或白滑。或黃厚。或薰黑。胸次或舒或不舒。飲食或進或不進。皆主之。

炙黃芪 三錢

防風根 五分

雲茯苓 三錢

製半夏 錢半

炙甘草 五分

福橘皮 一錢

當歸身 三錢

人 參 錢半

桂水炒白芍 錢半

稀 薺 三錢

麸炒枳實 五分

長流水煎服一二劑或三五劑及至十劑後裏證向安或語言微蹇或面戴陽色或消穀善飢或飲食少進或獨痰未清或肢體無力或無故多思或怔忡驚悸不寐等證接服第三方調理。

第二真黃風湯主治真中風服前二方表裏俱和諸證悉退或二氣未充或餘氣未盡宜此方調理真善後之良法也。

炙黃芪 三錢

防風根 三分

人參 錢半

大熟地 四錢

雲茯苓 三錢

炙甘草 五分

製半夏 錢半

福橘皮 一錢

蘇炒枳實 五分

稀薤 三錢

長流水煎服一二劑或三五劑至十劑後或更以十劑為末水疊丸每早晚開水服二錢。

易曰撓萬物者莫疾乎風。

莊子內篇曰夫大塊噫氣其名為風。

呂氏春秋有始覽曰何謂八風東北曰炎風。

長氣所生。一曰融風。

東方曰滔風。

震氣

所生。一曰明庶風。

東南曰熏風。

巽氣所生。一曰清明風。

南方曰巨風。

離氣所生。一曰凱風。

西南曰淒風。

坤氣所生。一曰涼風。

西方曰颺風。

兌氣所生。一曰闐闐風。

西北曰厲風。

乾氣所生。一曰不周風。

北方曰寒風。

坎氣所生。一曰廣莫風。

史記律書曰不周風居西北主殺生又曰廣莫風居北方廣莫者言陽氣

在下陰莫陽廣大也又曰條風居東北主出萬物條之言條洽萬物而出

之。又曰明庶風居東方明庶者明衆物盡出也。又曰清明風居東南維主

風吹萬物。又曰景風居南方。景者言陽氣道竟。又曰涼風居西南主地。地者沈奪萬物氣也。又曰閭闔風居西方。閭者倡也。闔者藏也。言陽氣導萬物闔黃泉也。

又扁鵲倉公列傳曰。臣意常診安陽武都里成開方。開方自言以爲不病。臣意謂之病苦沓風。三歲四支不能自用。使人瘖。瘖卽死。今聞其四支不能用。瘖而未死也。病得之數飲酒以見大風氣。所以知成開方病者。診之其脈法奇咳言曰藏氣相反者死。切之得腎反肺。法曰三歲死也。

說文曰。瘖。風病也。

瘖病因外感爲真中。因內傷爲類中。

左傳昭元曰。晉侯求醫於秦伯。秦伯使醫和視之。又曰風淫末疾。

東觀漢記曰。明帝行幸諸國。勅執金吾馮魴將緹騎宿元武門複道上。詔曰。複道多風寒。左右老人且病瘖。多取帷帳。東西完塞。窗牖皆令緻密。

後魏書曰。臨淮王擘孫孚好酒。後遇風。患手足俱痺。口不能言。乃左手畫地作字。乞解所任。

開河記曰。隋大總管麻叔謀病風逆。起坐不得。煬帝命太醫令巢元方視之。曰。風入腠理。病在胸臆。須用嫩肥羊蒸熟。糝藥食之。則瘥。如其言。未盡劑而瘥。

唐書曰。許裔宗常州義興人也。初仕陳爲新蔡王外兵參軍時。柳太后感風不能言。名醫療皆不愈。脈益沉而口噤。裔宗曰。既不能下藥。宜以湯藥薰之。藥入腠理。周時可瘥。乃造黃芪防風湯數十斛。置於牀下。氣如煙霧。

其夜便得語。

江陵府節度使成訥進稀菝丸方略曰。臣有弟訥年二十一。中風伏枕五年。百醫不瘥。有道人鍾針。因覩此患。曰可餌稀菝丸。必愈。其草多生沃壤。高三尺許。節葉相對。當夏五月以來收之。每去地五寸剪刈。以溫水洗去泥土。摘葉及枝頭。凡九蒸九暴。不必太燥。但以取足爲度。仍熬搗爲末。煉蜜丸如梧子大。空心溫酒或米飲下二三十丸。服至二千丸。所患愈加。不得憂慮。是藥攻之力。服至四千丸。必得復。至五千丸。當復丁壯。臣依法修合。令訥服之。果如其言。服後須喫飯三五匙壓之。五月五日采者佳。奉勅宣付醫院詳錄。

知益州張詠進稀菝丸表略曰。竊以餐石飲水。可作充腸之饌。餌松含栢。亦成救病之功。是以療飢者不在於羞珍。愈病者何煩於異術。倘獲濟時之藥。輒陳鄙物之形。不恥管窺。輒干天聽。臣因換龍興觀掘得一碑。內說修養氣術並藥方二件。依方差人訪問采覓。其草頗有異。金稜銀線。素莖紫莖。對節而生。蜀號火杵。莖葉頗同蒼耳。不費登高歷險。每常求少獲多。急采非難。廣收甚易。倘勤久服。旋見神功。誰知至賤之中。乃有殊常之效。臣自服至百服。眼目清明。卽至千服。髭鬚烏黑。筋力輕健。效驗多端。臣本州有都押衙羅守一。會因中風墜馬。失音不語。臣與十服。其病立瘥。又和尚智巖。年七十忽患偏風。口眼喎斜。時時吐涎。臣與十服。亦便得痊。今合一百劑。差職貢史元秦進。

九峯醫案曰。邪之所湊。其氣必虛。卒然傾跌。神識不清。口眼喎斜。語言蹇澁。瘦赤而渾。苔黃而厚。脈來沉數。陰虧水不涵木。七情鬱結化火。風邪乘襲。厥陰橫擾陽明。目爲肝竅。胃脈挾口環唇。肝在聲爲呼。胃受疾爲噦。諸汗屬陽明。謹防呃逆。軒呼。大汗。擬玉屏風散。升麻葛根湯。二方加減。外以桂酒塗頰。

嫩黃芪 三錢

防風根 一錢

冬白朮 錢半

綠升麻 三分

葛根 一錢

白芍藥 錢半

大生地 四錢

當歸身 三錢

炙甘草 五分

桂酒塗頰法。用油肉桂三錢爲細末。高燒酒二兩。煎百沸。塗兩頰。不必拘左右。加入馬脂更妙。

昨藥後。夜來神志漸清。語言漸爽。黃苔漸腐。身有微熱。微汗。大解一次。漉轉渾黃。沉數之脈依然。口目喎斜未正。證本陰虛火盛。情志乖違。腠理開疎。爲風所襲。擾亂厥明之絡。原方加減。仍以桂酒塗頰。

炙黃芪 三錢

防風根 一錢

冬白朮 錢半

煨葛根 一錢

白芍藥 錢半

炙甘草 五分

大生地 四錢

當歸身 三錢

人參 二錢

厥陰爲風木之臟。陽明爲十二經脈之長。眞陰素虧。肝木自燥。木燥召風。虛風直襲。攻其無備。是以卒中之也。連進玉屏風散。升麻葛根湯。二方加減。神識已清。語言已爽。飲食頗進。身熱得微汗已解。大便如常。瘦色較淡。

黃腐之苔較退。沉數之脈亦緩。惟口目仍斜。風淫未盡。真陰未復。原方加減。仍以桂酒塗頰。

嫩黃芪 三錢

防風根 一錢

冬白朮 錢半

煨葛根 一錢

獨活 一錢

白芍藥 錢半

大生地 四錢

當歸身 三錢

人參 二錢

諸證悉平。惟口目之斜較前雖好。未能如故。口目常動。故風生焉。耳鼻常靜。故風息焉。肝氣通於目。胃脈環於口。必得肝胃沖和。口目方能平復。原方加減。仍以桂酒塗頰。

嫩黃芪 三錢

防風根 一錢

冬白朮 錢半

煨葛根 一錢

當歸身 三錢

白芍藥 錢半

人參 錢半

大生地 四錢

白蒺藜 三錢

病原已載前方。惟口眼仍斜。未能如故。肝為藏血之臟。胃為水穀之海。證本血燥。召風。風翻胃海。氣脈為之動變。暈暈上冒。清空分布不周於本絡。以故口目喎斜。斜乃風之象也。服藥以來。風淫雖解未盡。陰液雖復未充。氣脈未能流暢。水能生木。土能培木。當以脾腎為主。擬六味歸脾加減為丸。以善其後。

大熟地 八兩

粉丹皮 三兩

福澤瀉 三兩

懷山藥 四兩

白茯苓 三兩

人參 二兩

冬白朮 三兩

炙甘草 一兩

當歸身 三兩

肉苁蓉 三兩

酸棗仁 三兩

遠志肉 兩半

爲末水疊丸。每早晚開水服三錢。

年近七旬。天令暴冷。爐炎左側。大白頰浮。酒漬於內。熱炙於外。左頰汗出如漿。虛風得以乘之。擾亂三陽之絡。口喎於右。目眇於左。脈來浮數。按之則緩。擬玉屏風散加味輔正散風。是否侯酌。

炙黃芪 三錢

防風根 一錢

冬白朮 二錢

雲茯苓 三錢

炙甘草 五分

製半夏 錢半

福橘皮 一錢

煅牡蠣 三錢

福澤瀉 錢半

鹿銜草 二錢

又照原方加

人參 一錢

老蘇梗 一錢

連進玉屏風加味。左頰之汗已收。口目之斜俱正。浮數之脈亦緩。風淫已散。第尊年二氣本虧。是以風邪易襲。宜常服十全丸。以杜後來之患。十全丸即十全

大補湯爲丸。

偏身麻痺。口目蠕瞶。眉稜骨痛。按之益甚。年逾四十。形豐脈軟。風襲陽明。營衛俱傷。血凝氣阻。名曰肉苛。慎防傾跌。

人參 三錢

炙黃芪 三錢

防風根 一錢

冬白朮 二錢

炙甘草 五分

當歸身 二錢

福橘皮 一錢

銀柴胡 七分

綠升麻 五分

鮮生薑 一片

大黑棗 二枚

經以營氣虛則不仁。衛氣虛則不用。營衛俱虛則不仁且不用。肉如故也。服補中益氣加味。半月以來。苛痺漸甦。瞶動漸止。營衛風淫漸散。眉稜骨痛亦平。軟散之脈亦斂。胃者衛之原。脾乃營之本。升補中州以充營衛。前

賢良法。原方加減為丸緩治。

大熟地 八兩

當歸身 三兩

懷山藥 四兩

炙甘草 一兩

人參 三兩

福橘皮 一兩

銀柴胡 三錢

綠升麻 三錢

嫩黃芪 三兩 防風 三錢煎水炒

為末。生薑三兩。大棗三兩。煎水。每早晚開水服三錢。

經以虛邪偏客於身半。其入深。內居營衛。營衛虛。則真氣去。邪氣獨留。發

為偏枯。身偏不用而痛。言不變。志不亂。病在分腠之間。益其不足。損其有

餘。乃可復也。

大熟地 八兩

當歸身 三兩

川芎 兩半

人參 三兩

白芍藥 二兩

炙黃芪 三兩

冬白朮 三兩

炙甘草 二兩

製附子 一兩

桂枝木 一兩

防風根 一兩

獨活 一兩

虎脛骨 二兩

乳香 一兩

沒藥 一兩

為末。水。每早晚開水服三錢。

形充脈弱。氣歛於中。分腠不固。常多自汗。為風所引。腎水上泛。脾液倒行。

凝滯成痰。機竅阻塞。卒然昏憤無知。氣促痰鳴言蹇。舌苔白滑。胸次不舒。

木旺金衰。正不敵邪。防其汗脫。

藿香梗 一錢

老蘇梗 一錢

白茯苓 三錢

炙甘草 五分

製半夏 錢半

福橘皮 一錢

冬白朮 錢半

製南星 一錢

肥桔梗 一錢



自喊顛疼。問之則否。身有微熱微汗。肌膚粟起。眠不竟夕。疲涎上湧。苔白滑。胸痞言寒。欲大解。小便先行淋瀝不爽。六經渾淆。二便互阻。七情內傷。風淫外襲。昨進藿香正氣加減。未見效機。正不敵邪。謹防大汗。照原方加人參八分。正氣散護衛外以祛風。六君湯益中土以清痰。服後神識已清。夜來安寐。身熱退。自汗收。舌強和。疲聲息。弱脈起。邪退正復之機。惟右肢苛痺。乃偏枯之象。證本脾腎雙虧。氣虛挾痰。分布不周。風淫未疾。煎方加減爲丸緩治。

人參 八錢

白茯苓 三兩

冬白朮 三兩

炙甘草 八錢

製半夏 二兩

福橘皮 一兩

明天麻 兩半

嫩黃芪 三兩  
三錢煎水炒

爲末。竹瀝二兩。生薑汁一兩。和開水疊丸。每早晚開水服三錢。

二氣貫於一身。不必拘左血右氣。偏枯於右。痛無定止。逢陰雨煩勞益甚。乃風痺之屬。延今二載有餘。脈沉澁無力。食入作嘔。大便恆糖。風淫於胃。溼著於脾。分布不周於脈絡。致有陰陽異位。更虛更實。更逆更從之患。外以晚蠶沙煎水洗患處。

人參 二兩

炙黃芪 八兩

防風根 八錢

雲茯苓 五兩

全當歸 四兩

虎脛骨 三兩

爲末。羊肚一具。生薑三兩。川椒三錢。粳米半升。淡竹瀝三兩。煮爛取濃汁

爲丸。每早晚開水服三錢。

五行之速。莫如風火邪之所湊。其氣必虛。風邪卒中。必挾身中素有之邪。